

SOROTAN LITERATUR ASMAUL HUSNA DALAM HADITH

Syaza Athirah Sailan @ Sazali ⁱ, Nurul Asiah Fasehah Muhamad ⁱⁱ, Mohd Nur Adzam Rasdi ⁱⁱⁱ

ⁱ (Corresponding author). Pelajar Sarjana, Fakulti Pengajian Quran dan Sunnah, Universiti Sains Islam Malaysia. Emel: syazaathirah@raudah.usim.edu.my

ⁱⁱ Pensyarah, Fakulti Pengajian Quran dan Sunnah, Universiti Sains Islam Malaysia. Emel: nurulasiahfasehah@usim.edu.my

ⁱⁱⁱ Pensyarah, Fakulti Pengajian Quran dan Sunnah, Universiti Sains Islam Malaysia. Emel: nuradzam@usim.edu.my

ABSTRAK

Asmaul Husna merupakan himpunan nama-nama Allah S.W.T yang indah dan mulia. Kalimah-kalimah Asmaul Husna banyak terkandung di dalam Quran dan Hadith yang kesemuanya mempunyai makna yang tersendiri. Beriman dengan nama-nama dan sifat-sifat Allah S.W.T. adalah salah satu rukun dan asas di dalam akidah atau tauhid. Sesiapa yang tidak mempercayai atau beriman dengannya akan terkeluar daripada agama Islam. Penghayatan dan *makrifah* serta meyakini akan nama-nama Allah S.W.T. yang bersifat dengan segala sifat kesempurnaan amat penting dalam kehidupan seharian kita sebagai seorang Muslim kerana ia akan memberi banyak manfaat kepada diri kita untuk mendekatkan diri kepada Allah S.W.T. dan beriman kepada-Nya. Kajian ini dijalankan bertujuan untuk menganalisis Asmaul Husna yang terdapat di dalam Hadith berdasarkan sorotan literatur. Kajian ini adalah kajian kualitatif dengan menggunakan protokol analisis dokumen bagi mencapai objektif kajian. Hasil kajian mendapati bahawa kalimah-kalimah Asmaul Husna banyak disebutkan di dalam Hadith, dan penghayatan terhadap Asmaul Husna dalam kehidupan seorang Muslim akan meningkatkan kualiti diri Muslim dari pelbagai aspek seperti akidah, ibadah dan tasawwuf.

Kata-kata kunci: Asmaul Husna, Hadith, Nama-nama Allah

PENGENALAN

Sebagai seorang Muslim, antara jalan untuk kita mengenal Allah SWT adalah melalui nama-nama dan sifat-sifatNya yang indah. Allah SWT berfirman dalam Surah al-A'raf ayat 180:

وَلِلّٰهِ الْأَسْمَاءُ الْحُسْنَىٰ فَادْعُوهُ بِهَا ۖ وَذَرُوا الَّذِينَ يُلْحِدُونَ فِيْ أَسْمَائِهِ ۚ سَيُجْزَوْنَ مَا كَانُوا يَعْمَلُونَ ١٨

Maksudnya: “Dan Allah mempunyai nama-nama yang baik (yang mulia), maka serulah (dan berdoalah) kepadaNya dengan menyebut nama-nama itu, dan pulaukanlah orang-orang yang berpaling dari kebenaran dalam masa menggunakan nama-namaNya. Mereka akan mendapat balasan mengenai apa yang mereka telah kerjakan.”

Nas di atas merupakan suatu galakan untuk kita berdoa dengan menyebut nama-namaNya yang indah dan mulia. Nas ini juga memberi galakan kepada kita untuk mempelajari, memahami dan menghayati Asmaul Husna kerana perkara pertama yang diwajibkan ke atas manusia ialah mengenali Allah SWT sebagai Tuhan yang berhak disembah dan tiada Tuhan selainNya (Asma', 2023). Nama-nama ini ataupun digelar sebagai Asmaul Husna banyak disebutkan di dalam Quran dan juga Hadith. Oleh yang demikian, kajian ini dijalankan bertujuan untuk menganalisis Asmaul Husna yang terdapat di dalam Hadith berdasarkan sorotan literatur.

METODOLOGI KAJIAN

Kajian ini adalah kajian kualitatif yang menggunakan protokol analisis dokumen bagi menjawab objektif kajian. Penyelidik menggunakan kitab hadith yang bertajuk *Jami'at - Tirmidzi* dan *Sahih Muslim* bagi mencari hadith-hadith yang menyentuh mengenai Asmaul Husna. Selain itu, penyelidik juga turut menggunakan dua buah kitab syarah hadith yang bertajuk *Tuhfat Al Ahwadhi Bi Sharh Jami' At-Tirmidzi* dan *Fathul Mun'im Syarah Hadith Muslim* bagi mencari syarah bagi hadith-hadith tersebut. Setelah dokumen-dokumen dikenalpasti, penyelidik mula mengenal pasti hadith-hadith yang mengandungi Asmaul Husna daripada kitab *Jami'at - Tirmidzi* dan *Sahih Muslim*.

Setiap hadith yang berkaitan dengan nama-nama Allah yang indah disaring dan dikategorikan berdasarkan tema yang muncul, seperti sifat dan kekuasaan Allah SWT. Selain itu, kitab syarah hadith digunakan untuk mendalami maksud dan penjelasan lebih terperinci tentang konsep Asmaul Husna yang terdapat dalam hadith-hadith berkenaan. Daripada pelbagai hadith yang ditemui, penyelidik memilih empat hadith yang berkaitan nama *Ar-Rahim*, kekuasaan Allah SWT, nama Allah *As-Salam*, dan hadith yang menyebut tentang sembilan puluh sembilan nama-nama Allah SWT.

Setelah selesai proses pemilihan dan pengenalpastian hadith, penyelidik melakukan analisis dengan lebih mendalam menggunakan rujukan daripada kitab syarah hadith untuk memahami konteks dan maksud yang lebih luas daripada pandangan para ulama' hadith.

Hasil analisis ini membolehkan penyelidik memberikan gambaran yang lebih menyeluruh tentang kepentingan mengamalkan Asmaul Husna dalam kehidupan umat Islam, serta bagaimana nama-nama ini dijelaskan dan difahami dalam tradisi hadith. Kajian ini juga menyoroti bagaimana Asmaul Husna bukan sahaja memberi kefahaman tentang sifat-sifat Allah, tetapi juga membimbing umat Islam dalam membentuk sifat dan akhlak yang baik sesuai dengan nama-nama tersebut.

ASMAUL HUSNA DALAM HADITH

Berdasarkan kajian yang dilaksanakan terhadap dua buah kitab syarah hadith seperti yang telah disebutkan sebelum ini, terdapat beberapa hadith yang menceritakan mengenai Asmaul Husna. Antaranya ialah, hadith yang menceritakan tentang nama dan sifat *Ar-Rahim* Allah SWT, berdasarkan sebuah Hadith Qudsi, daripada Saidina 'Abdur-Rahman bin 'Awf R.A;

حَدَّثَنَا ابْنُ أَبِي عُمَرَ، وَسَعِيدُ بْنُ عَبْدِ الرَّحْمَنِ الْمَحْزُومِيُّ، قَالََا حَدَّثَنَا سُفْيَانُ بْنُ عُيَيْنَةَ، عَنِ الزُّهْرِيِّ، عَنْ أَبِي سَلَمَةَ، قَالَ اشْتَكَى أَبُو الرَّدَادِ اللَّيْثِيُّ فَعَادَهُ عَبْدُ الرَّحْمَنِ بْنُ عَوْفٍ فَقَالَ خَيْرُهُمْ وَأَوْصَلُهُمْ مَا عَلِمْتُ أَبَا مُحَمَّدٍ . فَقَالَ عَبْدُ الرَّحْمَنِ سَمِعْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقُولُ " قَالَ اللَّهُ أَنَا اللَّهُ وَأَنَا الرَّحْمَنُ خَلَقْتُ الرَّحِمَ وَشَقَقْتُ لَهَا مِنْ اسْمِي فَمَنْ وَصَلَهَا وَصَلَتْهُ وَمَنْ قَطَعَهَا بَتَّئُهُ " . وَفِي الْبَابِ عَنْ أَبِي سَعِيدٍ وَابْنِ أَبِي أَوْفَى وَعَامِرِ بْنِ رَبِيعَةَ وَأَبِي هُرَيْرَةَ وَجُبَيْرِ بْنِ مُطْعِمٍ . قَالَ أَبُو عِيسَى حَدِيثُ سُفْيَانَ عَنِ الزُّهْرِيِّ حَدِيثٌ صَحِيحٌ . وَرَوَى مَعْمَرٌ هَذَا الْحَدِيثَ عَنِ الزُّهْرِيِّ عَنْ أَبِي سَلَمَةَ عَنْ رَدَادٍ اللَّيْثِيِّ عَنْ عَبْدِ الرَّحْمَنِ بْنِ عَوْفٍ وَمَعْمَرٌ كَذَا يَقُولُ قَالَ مُحَمَّدٌ وَحَدِيثُ مَعْمَرٍ خَطَأٌ .

Maksudnya: “Abu[Ar-Raddad] Al-Laithi mengadu (sakit). Maka 'Abdur-Rahman bin 'Awf menziarahinya. Dia berkata: 'Yang terbaik di antara kamu, dan yang paling boleh menjaga hubungan baik, sejauh saya Ketahuilah, adalah Abu Muhammad ('Abdur-Rahman bin 'Awf). Maka 'Abdur-Rahman bin 'Awf' berkata: 'Saya mendengar Rasulullah bersabda: "Allah Yang Maha Berbahagia lagi Maha Tinggi, berfirman: 'Akulah Allah , dan aku adalah Ar-Rahman. Aku menciptakan rahim dan menamainya dengan nama-Ku. Maka barangsiapa yang menjalin hubungan baik dengannya, Aku tetap menjaga hubungan baik dengannya, dan barangsiapa yang memutuskannya, maka Aku telah selesai dengannya.”

(Hadith riwayat Imam at-Tirmidzi, dalam *Jami' at -Tirmidzi*, Kitab *al-Birr Wa al-Silah 'An Rasulillah S.A.W.*, Bab *Ma Ja'a Fi Qathi'ati al-Rahimi*, no. Hadith 1907. Status Hadith Sahih)

Abu al-'Ula Muhammad Abdurrahman bin Abdul Rahim Mubarakfuri ketika mensyarahkan hadith ini dalam kitabnya yang bertajuk *Tuhfat Al Ahwadhi Bi Sharh Jami' At-Tirmidzi* menyatakan bahawa Firman Allah SWT (*Akulah Allah*) adalah pendahuluan kepada ucapan, yang membawa pengertian bahawa ini merupakan ilmu khusus, kemudian menyebutkan perihal yang berasal dari zat *Ar-Rahim*, dan firman Allah SWT (*dan aku adalah Ar-Rahman*), merupakan penjelasan bahawa Allah SWT adalah Maha Pemurah. Manakala (*Aku ciptakan rahim*), membawa erti bahawa Allah SWT yang menciptakan rahim , dan (*menamainya dengan nama-Ku*) ertinya, Allah SWT menamakan “rahim” itu daripada salah satu namaNya iaitu “*ar-Rahman*”, dan ia merupakan kesan daripada rahmat Allah SWT yang Maha Pemurah dan ia merupakan seruan kepada Mukmin untuk mencerminkan diri dengan nama-nama Allah SWT. Manakala syarah bagi (*Maka barangsiapa yang menjalin hubungan baik dengannya, Aku tetap menjaga hubungan baik dengannya,*) bererti sesiapa yang menjalin hubungan yang baik sesama insan akan beroleh rahmat atau kemuliaan dari Allah SWT, dan syarah bagi (*dan barangsiapa yang memutuskannya, maka Aku telah selesai dengannya.*) dengan penekanan pada ayat yang kedua, iaitu Allah akan memutuskannya daripada rahmat Allah SWT yang istimewa.

Seterusnya, dalam sebuah hadith yang lain yang menceritakan tentang kekuasaan Allah SWT, daripada Ibn Umar R.A;

وَحَدَّثَنَا أَبُو بَكْرِ بْنُ أَبِي شَيْبَةَ، حَدَّثَنَا أَبُو أُسَامَةَ، عَنْ عُمَرَ بْنِ حَمْزَةَ، عَنْ سَالِمٍ، بْنِ عَبْدِ اللَّهِ أَخْبَرَنِي عَبْدُ اللَّهِ بْنُ عُمَرَ، قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ " يَطْوِي اللَّهُ عَزَّ وَجَلَّ السَّمَوَاتِ يَوْمَ الْقِيَامَةِ ثُمَّ يَأْخُذُهُنَّ بِيَدِهِ الْيَمْنَى ثُمَّ يَقُولُ أَنَا الْمَلِكُ أَيْنَ الْجَبَّارُونَ أَيْنَ الْمُتَكَبِّرُونَ "

Maksudnya: "Allah Yang Maha Tinggi dan Maha Mulia akan melipat langit pada Hari Kiamat dan kemudian Dia meletakkannya di sebelah kanan-Nya dan berfirman: Akulah Tuhan; di manakah orang yang berkuasa dan di manakah orang yang sombong (hari ini)? Dia akan melipat bumi (meletakkannya) di sebelah kiri dan berkata: Akulah Tuhan; di manakah orang yang berkuasa dan di manakah orang yang sombong (hari ini)?"

(Hadith riwayat Imam Muslim, dalam *Sahih Muslim*, Kitab Sifat al-Qiyamah Wa al-Jannah Wa al-Nar, no. Hadith 2788. Status Hadith Sahih)

Ustaz Dr. Musa Shahin (2002) ketika mensyarahkan hadith ini dalam kitabnya yang bertajuk *Fathul Mun'im Syarah Hadith Muslim* menyatakan bahawa pada hari kiamat nanti langit akan dilipat sepertimana sebuah buku dilipat dan ia membuktikan bahawa Allah SWT adalah Tuhan yang Maha Berkuasa dan tiada sesiapaupun yang boleh menandingi kekuasaan Allah SWT.

Di samping itu, di dalam sebuah hadith yang lain menceritakan tentang salah satu nama Allah SWT iaitu "*As-Salam*", daripada Saidina Tsauban R.A;

حَدَّثَنَا أَحْمَدُ بْنُ مُحَمَّدٍ بْنُ مُوسَى، حَدَّثَنَا عَبْدُ اللَّهِ بْنُ الْمُبَارَكِ، أَخْبَرَنَا الْأَوْزَاعِيُّ، حَدَّثَنِي شَدَّادُ أَبُو عَمَّارٍ، حَدَّثَنِي أَبُو أَسْمَاءَ الرَّحْبِيُّ، قَالَ حَدَّثَنِي ثَوْبَانُ، مَوْلَى رَسُولِ اللَّهِ صَلَّى اللَّهُ عَلَيْهِ وَسَلَّمَ قَالَ كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ إِذَا أَرَادَ أَنْ يَنْصَرِفَ مِنْ صَلَاتِهِ اسْتَعْفَرَ اللَّهَ ثَلَاثَ مَرَّاتٍ ثُمَّ قَالَ " اللَّهُمَّ أَنْتَ السَّلَامُ وَمِنْكَ السَّلَامُ تَبَارَكْتَ يَا ذَا الْجَلَالِ وَالْإِكْرَامِ ". قَالَ أَبُو عِيسَى هَذَا حَدِيثٌ حَسَنٌ صَحِيحٌ . وَأَبُو عَمَّارٍ اسْمُهُ شَدَّادُ بْنُ عَبْدِ اللَّهِ .

Maksudnya: "Rasulullah S.A.W bersabda: "Apabila Rasulullah hendak berpaling dari solatnya, Baginda akan beristighfar kepada Allah tiga kali, kemudian mengucapkan: (Allahumma Antas-Salam, wa minkas-salam, tabarakta ya dhal-jalali wal-Ikram) 'Ya Allah Engkaulah yang tiada cacat dan kesempurnaan daripada-Mu. Maha Suci Engkau, wahai Yang Memiliki Keagungan dan Kemuliaan."

(Hadith riwayat Imam at-Tirmidzi, dalam *Jami'at-Tirmidzi*, Kitab as-Solah, bab Ma Yaquul Iza Sallama Min as-Solah, no. Hadith 2788. Status Hadith Sahih)

Abu al-'Ula Muhammad Abdurrahman bin Abdul Rahim Mubarakfuri ketika mensyarahkan hadith ini dalam kitabnya yang bertajuk *Tuhfat Al Ahwadhi Bi Sharh Jami' At-Tirmidzi* menyatakan bahawa kalimah "*as-Salam*" dalam lafaz (Ya Allah, Engkaulah yang

Maha Sejahtera), adalah salah satu nama Allah SWT yang membawa maksud Allah SWT adalah suci dari segala kekurangan, dan lafaz “*waminkas salam*” bermaksud bahawa hanya Allah SWT sahaja Tuhan yang memberi dan menarik semula keselamatan. Manakala lafaz “*tabarakta*” menunjukkan sebahagian daripada nikmat, iaitu melimpah dan bertumbuh, yang membawa maksud alangkah besar sifat-sifat keagungan dan kesempurnaan Allah SWT. Dan lafaz “*ya zal jalali wal ikram*” menunjukkan keagungan, kebesaran, kehormatan, dan kesempurnaan Allah SWT.

Seterusnya, dalam sebuah hadith yang lain menceritakan tentang sembilan puluh sembilan nama-nama Allah SWT, daripada Abu Hurairah R.A;

حَدَّثَنَا إِبْرَاهِيمُ بْنُ يَعْقُوبَ الْجَوْزَجَانِيُّ، حَدَّثَنِي صَفْوَانُ بْنُ صَالِحٍ، حَدَّثَنَا الْوَلِيدُ بْنُ مُسْلِمٍ، حَدَّثَنَا شُعَيْبُ بْنُ أَبِي حَمْزَةَ، عَنْ أَبِي الزِّنَادِ، عَنِ الْأَعْرَجِ، عَنْ أَبِي هُرَيْرَةَ، قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ " إِنَّ لِلَّهِ تَعَالَى تِسْعَةً وَتِسْعِينَ اسْمًا مِائَةً غَيْرَ وَاحِدَةٍ مَنْ أَحْصَاهَا دَخَلَ الْجَنَّةَ هُوَ اللَّهُ الَّذِي لَا إِلَهَ إِلَّا هُوَ الرَّحْمَنُ الرَّحِيمُ الْمَلِكُ الْقُدُّوسُ السَّلَامُ الْمُؤْمِنُ الْمُهِيمُنُ الْعَزِيزُ الْجَبَّارُ الْمُتَكَبِّرُ الْخَالِقُ الْبَارِئُ الْمُصَوِّرُ الْعَفَّارُ الْغَفَّارُ الْوَهَّابُ الرَّزَّاقُ الْفَتَّاحُ الْعَلِيمُ الْقَابِضُ الْبَاسِطُ الْخَافِضُ الرَّافِعُ الْمُعِزُّ الْمُنِذِلُ السَّمِيعُ الْبَصِيرُ الْحَكَمُ الْعَدْلُ اللَّطِيفُ الْخَبِيرُ الْحَلِيمُ الْعَظِيمُ الْغَفُورُ الشَّكُورُ الْعَلِيُّ الْكَبِيرُ الْخَفِيفُ الْمُقِيتُ الْحَسِيبُ الْجَلِيلُ الْكَرِيمُ الرَّقِيبُ الْمُجِيبُ الْوَاسِعُ الْحَكِيمُ الْوَدُودُ الْمَجِيدُ الْبَاعِثُ الشَّهِيدُ الْحَقُّ الْوَكِيلُ الْقَوِيُّ الْمَتِينُ الْوَلِيُّ الْحَمِيدُ الْمُحْصِي الْمُبْدِئُ الْمُعِيدُ الْمُحْيِي الْمُمِيتُ الْحَيُّ الْقَيُّومُ الْوَاحِدُ الْمَاجِدُ الْوَاحِدُ الصَّمَدُ الْقَادِرُ الْمُفْتَدِرُ الْمُقَدِّمُ الْمُؤَخِّرُ الْأَوَّلُ الْآخِرُ الظَّاهِرُ الْبَاطِنُ الْوَالِي الْمُتَعَالِي الْبَرُّ التَّوَّابُ الْمُتَنَقِّمُ الْعُتُوُّ الرَّءُوفُ مَالِكُ الْمَلِكِ ذُو الْجَلَالِ وَالْإِكْرَامِ الْمُقْسِطُ الْجَامِعُ الْغَنِيُّ الْمُغْنِي الْمَانِعُ الضَّارُّ النَّافِعُ النُّورُ الْهَادِي الْبَدِيعُ الْبَاقِي الْوَارِثُ الرَّشِيدُ الصَّبُورُ " . قَالَ أَبُو عِيسَى هَذَا حَدِيثٌ غَرِيبٌ حَدَّثَنَا بِهِ غَيْرٌ وَاحِدٌ عَنْ صَفْوَانَ بْنِ صَالِحٍ . وَلَا نَعْرِفُهُ إِلَّا مِنْ حَدِيثِ صَفْوَانَ بْنِ صَالِحٍ وَهُوَ ثِقَّةٌ عِنْدَ أَهْلِ الْحَدِيثِ . وَقَدْ رَوَى هَذَا الْحَدِيثُ مِنْ غَيْرِ وَجْهِ عَنْ أَبِي هُرَيْرَةَ عَنِ النَّبِيِّ صَلَّى اللَّهُ عَلَيْهِ وَسَلَّمَ وَلَا نَعْلَمُ - فِي كَبِيرِ شَيْءٍ مِنَ الرِّوَايَاتِ لَهُ إِسْنَادٌ صَحِيحٌ ذَكَرَ الْأَسْمَاءُ إِلَّا فِي هَذَا الْحَدِيثِ . وَقَدْ رَوَى آدَمُ بْنُ أَبِي إِيَاسٍ هَذَا الْحَدِيثَ بِإِسْنَادٍ غَيْرِ هَذَا عَنْ أَبِي هُرَيْرَةَ عَنِ النَّبِيِّ صَلَّى اللَّهُ عَلَيْهِ وَسَلَّمَ وَذَكَرَ فِيهِ الْأَسْمَاءُ وَلَيْسَ لَهُ إِسْنَادٌ صَحِيحٌ .

Maksudnya: “Sesungguhnya Allah mempunyai sembilan puluh sembilan nama, seratus kurang satu, siapa yang menghitungnya akan masuk surga. Dialah Allah, tiada Tuhan yang berhak disembah melainkan Dia (*Allāhu Lā Ilāha Illā Huwa*), Yang Maha Penyayang (kepada makhluk) (*Ar-Rahmān*), lagi Maha Penyayang (kepada orang-orang yang beriman) (*Ar-Rahīm*).), Raja (*Al-Malik*), Yang Bebas dari Kekurangan (*Al-Quddūs*), Yang Memberi Keselamatan (*As-Salām*), Yang Memberi Keselamatan (*Al-Mu'min*), Yang Mengawasi (*Al-Muhaimin*), Yang Maha Perkasa (*Al-'Azīz*), Yang Memaksa (*Al-Jabbār*), Yang Maha Agung (*Al-Mutakabbir*), Yang Mencipta (*Al-Khāliq*), Yang Mencipta (*Al-Bāri'*), Yang Membentuk (*Al-Muṣawwir*), Yang Maha Pengampun (*Al-Ghaffār*), yang Maha Mengagungkan (*Al-Qahhar*),

yang Maha Pemberi (*Al-Wahhab*), yang Maha Pemberi rezeki (*Ar-Razzāq*), yang Maha Pembuka (*Al-Fattāh*), yang Maha Mengetahui (*Al-`Alīm*), yang Pengambil (*Al-Qābiḍ*), Yang Memberi (*Al-Bāsīt*), Yang Menghinakan (*Al-Khāfid*), Yang Mengagungkan (*Ar-Rāfi`*), Yang Memberi Kemuliaan (*Al-Mu`izz*), Yang Menghinakan (*Al-Mudhil*), Maha Mendengar (*As-Samī`*), Maha Melihat (*Al-Baṣīr*), Hakim (*Al-Hakam*), Maha Adil (*Al-`Adl*), Maha Baik (*Al-Laṭīf*), Maha Mengetahui (*Al-Khabīr*), Yang Penyabar (*Al-Ḥalīm*), Yang Maha Agung (*Al-`Azīm*), Yang Maha Pengampun (*Al-Ghafur*), Yang Bersyukur (*Ash-Shakūr*), Yang Maha Tinggi (*Al-`Aliyy*), Yang Maha Agung (*Al-Kabīr*), Yang Menjaga (*Al-Ḥafīz*), Yang Maha Kuasa (*Al-Muqīt*), Yang Maha Menghitung (*Al-Ḥasīb*), Yang Maha Mulia (*Al-Jalil*), Yang Maha Pemurah (*Al-Karīm*), Yang Maha Melihat (*Ar-Raqīb*), Yang Menjawab (*Al-Mujīb*), Yang Memberi Liberal (*Al-Wāsi`*), Yang Bijaksana (*Al-Ḥakīm*), Yang Maha Pengasih (*Al-Wadūd*), Yang Maha Agung (*Al-Majīd*), Yang Menghidupkan (*Al-Bā`ith*), Penyaksi (*Ash-Shahīd*), Kebenaran (*Al-Ḥaqq*), Yang Menjamin (*Al-Wakīl*), Yang Kuat (*Al-Qawiyy*), Yang Teguh (*Al-Matīn*), Yang Maha Esa Yang Membantu (*Al-Waliyy*), Yang Maha Terpuji (*Al-Ḥamīd*), Yang Meliputi (*Al-Muḥsi*), Yang Memulakan sesuatu (*Al-Mubdi`*), Yang mengembalikan sesuatu (*Al-Mu`īd*), Yang menghidupkan (*Al-Muḥyi*), Yang mematikan (*Al-Mumīt*), Yang Hidup (*Al-Ḥayyu*), Yang Maha Kaya (*Al-Qayyūm*), Yang menciptakan (*Al-Wājid*).), Yang Maha Mulia (*Al-Mājid*), Yang Maha Esa (*Al-Wāḥid*), Yang Menguasai (*Aṣ-Ṣamad*), Yang Mampu (*Al-Qādir*), Yang Maha Kuasa (*Al-Muqtadir*), Yang menyegerakan (*Al-Muqaddim*).), Yang menunda (*Al-Mu'akhkhir*), Yang Awal (*Al-Awwal*), Yang Akhir (*Al-Ākhir*), Yang Zahir (*Az-Zāhir*), Yang Batin (*Al-Bāṭin*), Yang Pemilik (*Al -Wāli*), Yang Maha Tinggi (*Al-Muta`āli*), Yang Berbuat Baik (*Al-Barr*), Yang Menerima Taubat (*At-Tawwāb*), Yang Membalas (*Al-Muntaqim*), Yang Maha Pengampun (*Al-`Afuww*), Yang Maha Baik (*Ar-Ra'ūf*), Yang Pemilik Kerajaan (*Mālikul-Mulk*), Yang Memiliki Kemuliaan dan Kemurahan (*Dhul Jalāli wal Ikrām*), Yang Maha Adil (*Al-Muqsiṭ*), Yang Menghimpun (*Al-Jāmi`*), Yang Kaya (*Al-Ghaniyy*), Yang Maha Kaya (*Al-Mughni*), Yang Mencegah (*Al-Māni`*), Yang Memudaratkan (*Aḍ- Ḍār*), Yang memberi manfaat (*An-Nāfi`*), Nur (*An-Nūr*), Pemberi petunjuk (*Al-Hadi*), Yang Pemula (*Al-Badī`*), Yang Kekal (*Al-Bāqi*), Yang Mewarisi (*Al-Wārith*), Petunjuk (*Ar-Rasyid*), Yang Toleransi (*Aṣ-Ṣabūr*).”

(Hadith riwayat Imam at-Tirmidzi, dalam *Jami' at -Tirmidzi*, Kitab *al-Da'awat 'an Rasulillah S.A.W*, bab *Inna Lillahi Tis'atan Wa Tis'ina Isman*, no. Hadith 3507. Status Hadith Dhaif Gharib)

Abu al-‘Ula Muhammad Abdurrahman bin Abdul Rahim Mubarakfuri ketika mensyarahkan hadith ini dalam kitabnya yang bertajuk *Tuhfat Al Ahwadhi Bi Sharh Jami' At-Tirmidzi* menyatakan bahawa:

قَوْلُهُ إِنَّ لِلَّهِ تِسْعَةً وَتِسْعِينَ اسْمًا فِيهِ دَلِيلٌ عَلَى أَنَّ أَشْهَرَ أَسْمَائِهِ سُبْحَانَهُ وَتَعَالَى اللَّهُ لِإِضَافَةِ هَذِهِ الْأَسْمَاءِ إِلَيْهِ وَقَدْ رُوِيَ أَنَّ اللَّهَ هُوَ اسْمُهُ الْأَعْظَمُ.

Perenggan ini menjelaskan bahawa hadith ini merupakan dalil bagi nama-nama Allah SWT yang masyhur dan ia adalah “*Ismuhul A'zhom*” yang bermaksud nama-nama agung milik Allah SWT.

KESIMPULAN

Kesimpulannya, terdapat beberapa hadith yang meriwayatkan berkenaan Asmaul Husna. Penghayatan terhadap Asmaul Husna dalam kehidupan seorang Muslim akan meningkatkan kualiti diri Muslim dari pelbagai aspek seperti akidah, ibadah dan tasawwuf (Asma', 2023). Selain itu, dengan mengingat dan menghayati nama-nama-Nya yang indah akan menjadikan seseorang hamba lebih memahami kebesaran dan keagungan Allah, sehingga menambahkan rasa cinta dan ketakwaan kepadaNya. Dengan mengamalkan Asmaul Husna dalam doa dan zikir juga dapat memperteguhkan keimanan seorang hamba, kerana setiap nama Allah mencerminkan sifat-sifatNya yang Maha Agung dan Maha Sempurna. Dengan mengamalkan Asmaul Husna dalam kehidupan seharian, seseorang hamba itu dapat memperbaiki diri, mendekatkan dirinya kepada Allah SWT, serta mendapat rahmat dariNya.

RUJUKAN

Al-Quran.

Abu al-'Ula Muhammad Abdurrahman bin Abdul Rahim Mubarakfuri. *t.t. Tuhfat Al Ahwadhi Bi Sharh Jami' At-Tirmidzi*. Jordan: Bayt al-afkar addauliyah.

Asma' Harun. (2023). Mukhtasar Asmaul Husna Infografik. Selangor: PTS Publishing House Sdn. Bhd.

Ustaz Dr. Musa Shahin. (2002). *Fathul Mun'im Syarah Hadith Muslim*. Darul Syuruq.